

四庫全書

集部

欽定四庫全書

御定全唐詩卷二百四十一

元結

閔荒詩一首

并序

天寶丙戌中元子浮隋河至淮陰間其年水壞河
防得隋人寃歌五篇考其歌義似寃怨時主故廣
其意采其歌為閔荒詩一篇其餘載于異錄

煬皇嗣君位隋德滋昏幽日作及身禍以為長世謀居

常恥前王不思天子遊意欲出明堂便登浮海舟令行
山川改功與玄造侔河淮可支合峰嵬生回溝封隕下
澤中作山防逸流船艫狀龍鷁若負宮闕浮荒娛未央
極始到滄海頭忽見海門山思作望海樓不知新都城
已為征戰丘當時有遺歌歌曲太冤愁四海非天獄何
為非天囚天囚正凶忍為我萬姓讐人將引天鈿人將
持天鏹所欲充其心相與絕悲憂自得隋人歌每為隋
君羞欲歌當陽春似覺天下秋更歌曲未終如有怨氣

浮奈何昏王心不覺此怨尤遂令一夫唱四海欣提矛
吾聞古賢君其道常靜柔慈惠恐不足端和忘所求嗟
嗟有隋氏昏昏誰與儔

忝官引

天下昔無事僻居養愚鈍山野性所安熙然自全順忽
逢暴兵起閭巷見軍陣將家瀛海濱自棄同芻蕘往在
乾元初聖人啓休運公車詣魏闕天子垂清問敢誦王
者箴亦獻當時論朝廷愛方直明主嘉忠信屢授不次

官曾與專征印兵家未曾學榮利非所徇偶得兇醜降
功勞媿方寸爾來將四歲慙恥言可盡請取寃者辭為
吾忝官引寃辭何者苦萬邑餘灰燼寃辭何者悲生人
盡鋒刃寃辭何者甚力役遇勞困寃辭何者深孤弱亦
哀恨無謀救寃者祿位安可近而可愛軒裳其心又干
進此言非所戒此言敢貽訓實欲辭無能歸耕守吾分

春陵行

并序

癸卯歲漫叟授道州刺史道州舊四萬餘戶經賊

已來不滿四千大半不勝賦稅到官未五十日承
諸使徵求符牒二百餘封皆曰失其限者罪至貶
削於戲若悉應其命則州縣破亂刺史欲馬逃罪
若不應命又即獲罪戾必不免也吾將守官靜以
安人待罪而已此州是春陵故地故作春陵行以
達下情

軍國多所需切責在有司有司臨郡縣刑法競欲施供
給豈不憂徵斂又可悲州小經亂亡遺人實困疲大鄉

欽定四庫全書

御定全唐詩
卷二百四十一

無十家大族命單羸朝餐是草根暮食仍木皮出言氣
欲絕意速行步遲追呼尚不忍况乃鞭撲之郵亭傳急
符來往跡相追更無寬大恩但有迫促期欲令鬻兒女
言發恐亂隨悉使索其家而又無生資聽彼道路言怨
傷誰復知去冬山賊來殺奪幾無遺所願見王官撫養
以惠慈奈何重驅逐不使存活為安人天子命符節我
所持州縣忽亂已得罪復是誰逋緩違詔令蒙責固其
宜前賢重守分惡以禍福移亦云貴守官不愛能適時

顧惟孱弱者正直當不虧何人采國風吾欲獻此辭

賊退示官吏

并序

癸卯歲西原賊入道州焚燒

一本無焚
燒二字

殺掠幾盡

而去明年賊又攻永破邵不犯此州邊鄙而退豈
力能制敵歟蓋蒙其傷憐而已諸使何為忍苦徵
斂故作詩一篇以示官吏

昔歲逢太平山林二十年泉源在庭戶洞壑當門前井
稅有常期日宴猶得眠忽然遭世變數歲親戎旃今來

欽定四庫全書

御定全唐詩
卷二百四十一

典斯郡山夷又紛然城小賊不屠人貧傷可憐是以陷
隣境此州獨見全使臣將王命豈不如賊焉今彼徵斂
者迫之如火煎誰能絕人命以作時世賢思欲委符節
引竿自刺船將家就魚麥歸老江湖

一作邊

寄源休

并序

辛丑中元結與族弟源休皆為尚書郎在荆南府
幕休以曾任湖南久理長沙結以曾遊江州將兵
鎮九江自春及秋不得相見故抒所懷以寄之

天下未偃兵儒生預戎事功勞安可問且有忝官累昔
常以荒浪不敢學為吏況當在兵家言之豈容易忽然
向三嶺境外為偏帥時多尚矯詐進退多欺貳縱有一
直方則上似姦智誰為明信者能辨此勞畏

雪中懷孟武昌

冬來三度雪農者歡歲稔我麥根已濡各得在倉廩天
寒未能起孺子驚人寢云有山客來簾中見冬草燒柴
為溫酒煮鱖為作瀟客亦愛栝尊思君共栝飲所嗟山

路間時節寒又甚不能苦相邀興盡還就枕

與党評事并序

大理評事党曄好閒自退元子愛之作詩贈焉

自顧無功勞一歲官再遷跼身班次中常竊媿恥焉加
以久荒浪悒愚性頗全未知在冠冕不合無拘牽勤強
所不及於人或未然豈忘惠君子恕之識見偏且欲因
我心順為理化先彼云萬物情有願隨所便愛君得自
遂令我空淵禪

與党侍御

并序

庚子中元子次山為監察御史党茂宗罷大理評
事次山愛其高尚曾作詩一篇與之及次山未辭
殿中茂宗已受監察采茂宗嘗相誚戲之意又作
詩與之

衆坐吾獨歡或問歡為誰
高人党茂宗復來官憲司昔
吾順元和與世行自遺茂宗
正作吏日有趨走疲及吾
汙冠冕茂宗方矯時誚吾順
讓者乃是干進資今將問

茂宗茂宗欲何詞若云吾無心此來復何為若云吾有
羞於此還見啞誰言萬類心閑之不可窺吾欲喻茂宗
茂宗宜聽之長轅有修轍馭者令爾馳山谷安可怨筋
力當自悲嗟嗟党茂宗可為識者規

與灤溪鄰里

并序

乾元元年元子將家自全于灤溪上元二年領荆
南之兵鎮於九江方在軍旅與灤溪鄰里不得如
往時相見遊又知灤溪之人日轉窮困故作詩與

之

昔年苦逆亂舉族來南奔日行幾十里愛君此山村峰
谷呀回映誰家無泉源脩竹多夾路扁舟皆到門灑溪
中曲濱其陽有閒園鄰里昔贈我許之及子孫我嘗有
匱乏鄰里能相分我嘗有不安鄰里能相存斯人轉貧
弱力役非無究終以灑濱訟無令天下論

招孟武昌

并序

漫叟作退谷銘指曰干進之客不能遊之作栝湖

銘指曰為人厭者勿泛栝湖孟士源嘗黜官無情
干進在武昌不為人厭可遊退谷可泛栝湖故作

詩招之

風霜枯萬物退谷如春時窮冬涸江海栝湖澄清漪湖
盡到谷口單船近堦墀湖中更何好坐見大江水敬石
為水涯半山在湖裏谷口更何好絕壑流寒泉松桂蔭
茅舍白雲生坐邊武昌不干進武昌人不厭退谷正可
遊栝湖任來泛湖上有水鳥見人不飛鳴谷口有山獸

往往隨人行莫將車馬來令我鳥獸驚

招陶別駕家陽華作

海內厭兵草騷騷十二年陽華洞中人似不知亂馬誰
能家此地終老可自全草堂背巖洞幾峰軒戶前清渠
匝庭堂出門仍灌田半崖盤石徑高亭臨極巔引望見
何處迤逦隴北川杉松幾萬株蒼蒼滿前山巖高暖華
陽飛溜何潺潺洞深迷遠近但覺多洄淵晝遊興未盡
日暮不欲眠探燭飲洞中醉昏漱寒泉始知天下心耽

愛各有偏陶家世高逸公忍獨不然無或畢婚嫁竟為
俗務牽

遊石溪示學者

小溪在城下形勝堪賞愛尤宜春水滿水石更殊怪長
山勢迴合井邑相縈帶石林繞舜祠西南正相對階庭
無爭訟郊境罷守衛時時溪上來勸引辭學輩今誰不
務武儒雅道將廢豈忘二三子旦夕相勉勵

遊惠泉示泉上學者

顧吾漫浪久不欲有所拘每到漚泉上情性可安舒草
堂在山曲澄瀾涵階除松竹陰幽徑清源湧坐隅築塘
列圃畦引流灌時蔬復在郊郭外正堪靜者居愜心則
自適喜尚人或殊此中若可安不服一作佩銅虎符

喻灤溪鄉舊遊

往年在灤濱灤人皆忘情今來遊灤鄉灤人見我驚我
心與灤人豈有辱與榮灤人異其心應為我冠纓昔賢
惡如此所以辭公卿貧窮老鄉里自休還力耕況曾經

逆亂日厭聞戰爭尤愛一溪水而能存讓名終當來其
濱飲啄全此生

喻舊部曲

漫遊樊水陰忽見舊部曲尚言軍中好猶望有所屬故
今爭者心至死終不足與之一杯酒喻使燒戎服兵興
向十年所見堪歎哭相逢是遣人當合識榮辱勸汝學
全生隨我奮退谷

喻常吾直

時為
攝官

山澤多饑人閭里多壞屋戰爭且未息徵歛何時足不能救人患不合食天粟何況假一官而苟求其祿近年更長吏數月未為速來者罷而官豈得不為辱勸為辭府主從我遊退谷谷中有寒泉為爾洗塵服

漫問相里黃州

東鄰有漁父西鄰有山僧各問其性情變之俱不能公為二千石我為山海客志業豈不同今已殊名跡相里不相類相友且相異何況天下人而欲同其意人意苟

不同分寸不相容漫問軒裳客何如耕釣翁

訓襄雲客

自厭久荒浪於時無所任耕釣以為事來家樊水陰甚
醉或漫歌甚閒亦漫吟不知愚僻意稱得雲客心雲客
方持斧與人正相臨符印隨坐起守位常森森縱能有
相招豈暇來山林

酬孟武昌苦雪

積雲閉山路有人到庭前云是孟武昌今獻苦雪篇長

吟未及終不覺為悽然古之賢達者與世竟何異不能

救時患諷諭

一作論

以全意知公惜春物豈非愛時和知

公苦陰雪傷彼災患多姦兇正驅馳不合問君子林鶯
與野獸無乃怨於此兵興向九歲稼穡誰能憂何時不
發卒何日不殺牛耕者日已少耕牛日已希皇天復何
忍更又恐斃之自經危亂來觸物堪傷歎見君問我意
只益胸中亂山禽饑不飛山木凍皆折懸泉化為冰寒
水近不熱出門望天地天地皆昏昏時見雙峰下雪中

生白雲

漫酬賈沔州 并序

賈德方與漫叟者懼漫叟不能甘窮獨懼漫叟又須為官故作詩相喻其指曰勸爾莫作官作官不益身因德方之意遂漫酬之

往年壯心在嘗欲濟時難奉詔舉州兵今得誅暴叛上將屢顛覆偏師嘗救亂未曾弛戈甲終日領簿案出入四五年憂勞忘昏旦無謀靜兇醜自覺愚且悞豈欲阜

樞中爭食麩

下汲切

與齷

下辨切 麩糠中可食者
牛馬食餘草節曰齷

去年辭

職事所懼貽憂患天子許安親官又得閒散自家樊水上性情尤荒慢雲山與水木似不憎吾漫以茲忘時世日益無畏憚漫醉人不嗔漫眠人不喚漫遊無遠近漫樂無早晏漫中漫亦忘名利誰能算聞君勸我意為君一長歎人誰年八十我已過其半家中孤弱子長子未及冠且為兒童主種藥老谿澗

送孟校書往南海

并序 一作
別孟校書

平昌孟雲卿與元次山同州里以詞學相友幾二
十年次山今罷守春陵雲卿始典校芸閣於戲材
業次山不如雲卿詞賦次山不如雲卿通和次山
不如雲卿在次山又詡然求進者也誰言時命吾
欲聽之次山今且未老雲卿少次山六七歲雲卿
聲名滿天下知己在朝廷及次山之年雲卿何事
不可至勿隨長風乘興蹈海勿愛羅浮往而不歸
南海幕府有樂安任鴻與次山最舊請任公為次

山一白府主趣資裝雲卿使北歸慎勿令徘徊海
上諸公第作歌送之

吾聞近南海乃是魑魅鄉忽見孟夫子歡然遊此方忽
喜海風來海帆又欲張漂漂隨所去不念歸路長君有
失母兒愛之似阿陽始解隨人行不欲離君傍相勸早
旋歸此言慎勿忘

別何員外

誰能守清濁誰能嗣世儒吾見何君饒為人
有是夫黠

官二十年未曾暫崎嶇終不病貧賤寥寥無所拘忽然
逢知己數月領官符猶是尚書郎收賦來江湖人皆悉
蒼生隨意極所須比盜無兵甲似偷又不如公能獨寬
大使之力自輸吾欲探時謠為公伏奏書但恐抵忌諱
未知肯聽無不然且相送醉歡於坐隅

宴湖上亭作

廣亭蓋小湖湖亭實清曠軒窗幽水石怪異尤難狀石
尊能寒酒寒水宜初漲岸曲坐客稀栝浮上搖漾遠水

入簾幕浙瀝吹酒舫欲去未回時飄飄正堪望酣興思
共醉促酒更相向舫去若驚鳧溶瀛滿湖浪朝來暮忘
返暮歸獨惆悵誰肯愛林泉從吾老湖上

夜宴石魚湖作

風霜雖慘然出遊熙天正一作晴登臨日暮歸置酒湖上

亭高燭照泉深光華溢軒楹如見海底日瞳瞳始欲生
夜寒閉窗戶石溜何清冷若在深洞中半崖聞水聲醉
人疑舫影呼指遞相驚何故有雙魚隨吾酒舫行醉昏

能誕語勸醉能忘情坐無拘忌人勿限醉與醒

劉侍御月夜讌會

并序

兵興已來十一年矣獲與同志歡醉達旦詠歌取
適無一二焉乙巳歲彭城劉靈源在衡陽逢故人

或有在者日

一作

昔相會第歡遠遊始與諸公待

月而笑語竟與諸公愛月而歡醉詠歌夜久賦詩
言懷於戲文章道喪蓋久矣時之作者煩雜過多
歌兒舞女且相喜愛系之風雅誰道是邪諸公嘗

欲變時俗之淫靡為後生之規範今夕豈不能道
達情性成一時之美乎

我從蒼梧來將耕舊山田踟躕為故人且復停歸船日
夕得相從轉覺和樂全愚愛涼風來明月正滿天河漢
望不見幾星猶粲然中夜興欲酣改坐臨清川未醉恐
天旦更歌促繁弦歡娛不可逢請君莫言旋

樊上漫作

漫家郎亭下復在樊水邊去郭五六里扁舟到門前山

竹繞茅舍庭中有寒泉西邊雙石峰引望堪忘年四鄰
皆漁父近渚多閒田且欲學耕釣於斯求老焉

登殊亭作

時節方大暑試來登殊亭憑軒未及息忽若秋風生主
人既多閒有酒共我傾坐中不相異豈限醉與醒漫歌
無人聽浪語無人驚時復一回望心目出四溟誰能守
纓佩日與災患并請君誦此意令彼惑者聽

石魚湖上作

并序

惠泉南上有獨石在水中狀如遊魚魚凹處修之

可以賂

姜魚切

酒水涯四匝多欹石相連石上堪人

坐水能浮小舫載酒又能繞石魚洄流乃命湖曰
石魚湖鐫銘於湖上顯示來者又作詩以歌之

吾愛石魚湖石魚在湖裏魚背有酒樽繞魚是湖水兒
童作小舫載酒勝一枱座中令酒舫空去復滿來湖岸
多欹石石下流寒泉醉中一盥漱快意無比焉金玉吾
不須軒冕吾不愛且欲坐湖畔石魚長相對

引東泉作

東泉人未知在我左山東引之傍山來垂流落庭中宿
霧含朝光掩映如殘虹有時散成雨飄灑隨清風衆源
發淵竇殊怪皆不同此流又高懸瀟瀟字素切在長空山
林何處無茲地不可逢吾欲解纓佩便為泉上翁

登白雲亭

出門見

一作上

南山喜逐松徑行窮高欲極遠始到白雲

亭長山繞井邑登望宜新晴州渚曲湘水縈迴隨郡城

九疑千萬峰嶸嶸天外青煙雲無遠近皆傍林嶺生俯
視松竹間石水何幽清涵映萬軒戶娟娟如鏡明何人
病昏濃積醉且未醒與我一登臨為君安性情

漣陽亭作

并序

初得漣泉則為亭於泉上因開簷雷又得石渠泉
渠相宜亭更加好以亭在泉北故命之曰漣陽亭
問吾常謙息泉上何處好獨有漣陽亭令人可終老前
軒臨漣泉憑几漱清流外物自相擾淵淵還復休有時

出東戶更欲簷下坐非我意不行石渠能留我峰石若
鱗次欹垂復旋迴為我引漉泉泠泠簷下來天寒宜泉
温泉寒宜天暑誰到漉陽亭其心肯思去

登九嶷第二峯

九嶷第二峯其上有仙壇杉松映飛泉蒼蒼在雲端何
人居此處云是曾女冠不知幾百歲燕坐餌金丹相傳
羽化時雲鶴滿峰巒婦中有高人相望空長歎

題孟中丞茅閣

小山為郡城隨水能縈紆亭亭最高處今是西南隅杉
大老猶在蒼蒼數十株垂陰滿城上枝葉何扶疎乃知
四海中遺事誰謂無及觀茅閣成始覺形勝殊憑軒望
熊湘雲榭連蒼梧天下正炎熱此然冰雪俱客有在中
坐頌歌復何如公欲舉遺材如此佳木歟公方庇蒼生
又如斯閣乎請達謠頌聲願公且踟蹰

宓尊詩

在道州

巉巉小山石數峰對一

戴一作

宓亭宓石堪為樽狀類不可

名巡迴數尺間如見小蓬瀛尊中酒初漲始有島嶼生
豈無日觀峰直下臨滄溟愛之不覺醉醉卧還自醒醒
醉在尊畔始為吾性情若以形勝論坐隅臨郡城平湖
近階砌遠山復青青異木幾十株枝條冒簷楹盤根滿
石上皆作龍蛇形酒堂貯釀器戶牖皆巽竝此尊可常
滿誰是陶淵明

朝陽巖下歌

朝陽巖下湘水深朝陽洞口寒泉清零陵城郭夾湘岸

巖洞幽竒帶郡城
荒蕪自古人不見
零陵徒有先賢傳
水石為娛安可羨
長歌一曲留相勸

無為洞口作

無為洞口春水滿
無為洞傍春雲白
愛此踟躕不能去
令人悔作衣冠客
洞傍山僧皆學禪
無求無欲亦忘年
欲問其心不能問
我到山中得無悶

宿無為觀

九疑山深幾千里
峰谷崎嶇人不到
山中舊有仙姥家

金定巳月
卷二百四十一
十里飛泉遶丹竈如今道士三四人
茹芝鍊玉學輕身
霓裳羽蓋傍臨壑飄飄似欲來雲鶴

宿洄溪翁宅

長松萬株遶茅舍怪石寒泉近巖下
老翁八十猶能行
將領兒孫行拾稼吾羨老翁居處幽
吾愛老翁無所求
時俗是非何足道得似老翁吾即休

說洄溪招退者

在州南
江華縣

長松亭亭滿四山山間乳竇流清泉
洄溪正在此山裏

乳水松膏常灌田松膏乳水田肥良稻苗如蒲米粒長
糜色如玳玉液酒酒熟猶聞松節香溪邊老翁年幾許
長男頭白孫嫁女問言只食松田米無藥無方向人語
浯溪石下多泉源盛暑太寒冬大溫屠蕪宜在水中石
洄溪一曲自當門吾今欲作洄溪翁誰能住我舍西東
勿憚山深輿地僻羅浮尚有葛仙翁

宿丹崖翁宅

扁舟欲到瀧口湍春水湍瀧上水難投竿來泊丹崖下

得與崖翁盡一歡丹崖之亭當石顛破竹半山引寒泉
泉流掩映在木杪有若白鳥飛林間往往隨風作霧雨
濕人巾履滿庭前丹崖翁愛丹崖棄官幾年崖下家兒
孫棹船抱酒甕醉裏長歌揮釣車吾將求退與翁遊學
翁歌醉在魚舟官吏隨人往未得却望丹崖慙復羞

石魚湖上醉歌

并序

漫叟以公田米釀酒因休暇則載酒於湖上時取
一醉歡醉中據湖岸引臂向魚魚取酒使舫載之徧

飲坐者意疑倚巴丘酌於君山之上諸子環洞庭
而坐酒舫泛泛然觸波濤而往來者乃作歌以長
之

石魚湖似洞庭夏水欲滿君山青山為樽水為沼酒徒
歷歷坐洲島長風連日作大浪不能廢人運酒舫我持
長瓢坐巴丘酌飲四坐以散愁

橘井

靈橘無根井有泉世間如夢又千年鄉園不見重歸鶴

姓字今為第幾仙
風冷露壇人悄悄
地閒荒徑草綿綿
如何躡得蘇君跡
白日霓旌擁上天

石宮四詠

石宮春雲白
白雲宜蒼苔
拂雲踐石徑
俗士誰能來

石宮夏水寒
寒水宜高林
遠風吹蘿蔓
野客熙清陰

石宮秋氣清
清氣宜山谷
落葉逐霜風
幽人愛松竹

石宮冬日煖
煖日宜溫泉
晨光靜水霧
逸者猶安眠

款乃曲五首

大厯丁未中漫叟結為道州刺史以軍事詣都使

還州逢春水舟行不進作款乃五首

一作章

令舟子

唱之蓋以取適於道路云

一作耳

詞曰

偶存名跡在人間
順俗與時未安閒
來謁大官兼問政
扁舟却入九疑山

湘江二月春水平
滿月和風宜夜行
唱橈欲過平陽戍
守吏相呼問姓名

千里楓林煙雨深
無朝無暮有猿吟
停橈靜聽曲中意

好是雲山韶漢音

零陵郡北湘水東
浯溪形勝滿湘中
溪口石顛堪自逸
誰能相伴作漁翁

下瀧船似入深淵
上瀧船似欲昇天
瀧南始到九疑郡
應絕高人乘興船

御定全唐詩卷二百四十一

欽定四庫全書

御定全唐詩卷二百四十二

張繼

張繼字懿孫襄州人登天寶進士第大歷末檢校祠部員外郎分掌財賦於洪州高仲武謂其累代詞伯秀發當時詩體清迥有道者風今編詩一卷

郢城西樓吟

一作郎士元詩

連山盡塞

一作處

水縈迴山上戍

一作城

門臨水開珠簾

一作

朱直下一百丈日暖遊鱗自相向昔人愛一作受險閉層

城今人復愛閒江清郎集作今日沙洲楓岸無來客草

綠花開一作紅山鳥鳴

登丹陽樓一作郎士元詩

寒臯那可望旅客又初還迢迢高樓上蕭疎涼一作曠野

間暮晴依遠水秋興屬連山浮一作游客時相見霜彫朱

一作動翠顏

春夜皇甫冉宅歡宴一作對酒

流落時相見悲歡共此情興因尊酒洽愁為故人輕暗

滴花莖

一作垂

露斜暉月過城那知橫吹笛

一作曲

江外作

邊聲

會稽秋晚奉呈于太守

寂寂

一作寞

訟庭幽森森戟戶秋山光隱危堞湖色上高

樓禹穴探書罷天台作賦遊雲浮

一作浮雲

將越客歲晚共

淹留

題嚴陵釣臺

舊隱人如在清風亦似秋客星沈夜壑釣石俯春流鳥

向喬

一作深

枝聚魚依淺瀨遊古來芳餌下誰是不吞鉤

清明日自西午橋至瓜巖村有懷

晚霽龍門雨春生汝穴風鳥啼官路靜花發毀垣空鳴

玉慙時輩垂絲學老翁舊遊人不見惆悵洛城東

洛陽作

一作初出
徽安門

洛陽天子縣金谷石崇

一作家

鄉草色侵官道花枝出苑

牆書成休逐客賦罷遂為郎貧賤非吾事西遊思

一作當

自強

晚次淮陽

微涼風葉下楚俗轉清閒
侯館臨秋水郊扉掩暮山
月明潮漸近一作滿露濕雁初還
浮客了無定萍流淮海間

送竇十九判官使江南

遊客

一作宦

海星紀裁詩鍊土風
今看乘傳去那與問津

同南郡迎過

一作過

徐子

一作釋

臨川謁謝公思歸一惆悵於

越古亭中

江上送客遊廬山

楚客自相送，霑裳春水邊。
晚來風信好，併發上江船。
花映新林岸，雲開瀑布泉。
愜心應在此，佳句向誰傳。

酬張二十員外前國子博士竇叔向

故交日零落，心賞寄何人。
幸與馮唐遇，心同跡復親。
語言未終夕，離別又傷春。
結念湓城下，聞猿詩興新。

會稽郡樓雪霽

一作望雪

江城昨夜雪如花，郢客登樓齊望一作望霽。
華夏一作禹壇

前仍聚玉西施浦

一作渚

上更飛沙

一作飄紗

簾櫳向晚寒風

度睥睨初晴落景斜
數處微明銷不盡
湖山清一作青映

越人家

馮翊西樓

一作郎士元詩

城上西樓倚暮天
樓中歸望正凄然
近郭亂山橫古渡

野莊喬木帶新烟
北風吹雁聲能苦
遠客辭家月再圓

陶令好文常對酒
相招那惜醉為眠

一作一和白雲篇

送鄒判官往陳留

一作洪州送却紹充河南租庸判官

齊宋

一作魯

傷心

一作必

地頻年此用兵女停襄邑杼農廢

汶陽耕國使

一作使者

乘輅去諸侯

一作藩

擁節迎深仁荷

一作

佐又作輅

君子薄賦恤黎氓火燎原猶熱波

一作風

搖海未平

應將否泰理一問魯諸生

酬李書記校書越城秋夜見贈

東越秋城夜西人白髮年寒城噤言刁斗孤憤抱龍泉鳳
輦棲岐下鯨波鬪洛川量空海陵粟賜之水衡錢投閣
嗟揚子飛書代魯連蒼蒼不可問余亦賦思玄

感懷

一作陸沈詩題作
上禮部揚侍郎

調與時人背

一作等

心將靜者論終年帝在

一作在

城裏不識

五侯門

長相思

遼陽望河縣白首無由人

一作見

海上珊瑚枝年年寄春

燕

奉寄皇甫補闕

京口情人別久揚州估客來疎潮至潯陽回

一作來

去相

思無處通書

楓橋夜泊

一作夜泊楓江

月落烏啼霜滿天江楓漁父

一作火

對愁眠姑蘇城外寒

山寺夜半鐘聲到客船

閶門即事

耕夫召

一作占

暮逐樓船春草青青萬頃田試上吳門窺

郡郭清明幾處有新煙

安公房問法

流年一日復一日世事何時是了時
試向東林問禪伯
遣將心地學琉璃

上清詞

紫陽宮女捧丹砂王母令

一作今

過漢帝家春風不肯停

仙馭却向蓬萊看杏花

送顧況泗上覲叔父

吳鄉歲貢足嘉賓後進之中見此人
別業更臨洙泗上
擬將書卷對殘春

留別

一作皇甫冉詩
題作又得雲字

何事千年遇聖君，坐令雙鬢老江雲。
南行更入山深淺，岐路悠悠水自分。

送張中丞歸使幕

一作韓
翃詩

獨受主恩歸，當朝似者稀。
玉壺分御酒，金殿賜春衣。
拂席流鶯醉，鳴鞭駿馬肥。
滿臺簪白筆，捧手戀清輝。

華州夜宴庾侍御宅

一作韓
翃詩

世故他年別，心期此夜同。
千峰孤燭外，片雨一更中。
酒

客逢山簡詩人得謝公自憐驅匹馬拂曙向關東

贈章八元

相見談經史江樓坐夜闌風聲吹戶響燈影照人寒俗
薄交游盡時危出處難衰年逢二妙亦得悶懷寬

城西虎跑寺

第七句
缺二字

石勢虎蹲伏山形龍屈盤寺開梁殿閣墻掩晉衣冠出
澗泉聲細斜陽塔影寒近城多
棲息此中安

褚主簿宅會畢庶子錢員外郎使君

一作韓
翊詩

開甕臘酒熟，主人賞同斜陽疎。竹上殘雪亂，山中更喜宣城印。朝廷與謝公。

奉送王相公赴幽州

一作韓翃詩題
下有巡邊二字

黃閣開幃幄，丹墀拜冕旒。位高湯左相，權總漢諸侯。不改周南化，仍分趙北憂。雙旌過易水，千騎入幽州。塞草連天暮，邊風動地愁。無因隨遠道，結束佩吳鉤。

重經巴丘

昔年高接李膺歡，日泛仙舟醉碧瀾。詩句亂隨青草落。

酒腸俱逐洞庭寬
浮生聚散雲相似
往事冥微夢一般
今日片帆城下去
秋風回首淚闌干

九日巴丘楊公臺上宴集

淒淒霜日上高臺
水國秋涼客思哀
萬疊銀山寒浪起
一行斜字早鴻來
誰家搗練孤城暮
何處題衣遠信回
江漢路長身不定
菊花三笑旅懷開

遊靈巖

靈巖有路入煙霞
臺殿高低釋子家
風滿迴廊飄墜葉

水流絕澗泛秋花青松閱世風霜古翠竹題詩歲月賒
誰謂無生真可學山中亦自有年華

河間獻王墓

漢家宗室獨稱賢遺事閒中見舊編偶過河間尋往跡
却憐荒塚帶寒煙頻求千古書連帙獨對三雍策幾篇
雅樂未興人已逝雄歌依舊大風傳

秋日道中

齊魯西風草樹秋川原高下過東州道邊白鶴來華表

陌上蒼麟卧古丘
九曲羊應非禹跡
三山何處是仙洲
徑行俯仰成今古
却憶當年賦遠遊

華清宮

天寶承平奈樂何
華清宮殿鬱嵯峩
朝元閣峻臨秦嶺
羯鼓樓高俯渭河
玉樹長飄雲外曲
霓裳閒舞月中歌
只今惟有溫泉水
嗚咽聲中感慨多

春申君祠

春申祠宇空山裏
古柏陰陰石泉水
日暮江南無主人

彌令過客思公子蕭條寒景傍山村寂寞誰知楚相尊
當時珠履三千客趙使懷慚不敢言

人日代客子是日立春

人日兼春日長懷復短懷遙知雙彩勝併在一金釵

寄鄭員外

經月愁聞雨新年苦憶君何時共登眺整屐待晴雲

飲李十二宅

重門敞春夕燈燭霽餘輝醉我百尊酒留連夜未歸

山家

板橋人渡泉聲茅簷日午雞鳴莫嗔焙茶煙暗却喜晒
穀天晴

歸山

心事數莖白髮生涯一片青山空林有雪相待古道無
人獨還

金谷園

絲樓歌館正融融一騎星飛錦帳空老盡名花春不管

年年啼鳥怨東風

郵亭

雲淡山橫日欲斜
郵亭下馬對殘花
自從身逐征西府
每到開時不在家

宿白馬寺

白馬馱經事已空
斷碑殘刹見遺踪
蕭蕭茅屋秋風起
一夜雨聲羈思濃

明德宮

碧瓦朱楹白晝開
金衣寶扇曉風寒
摩雲觀閣高如許
長對河流出斷山

讀嶧山碑

六國平來四海家
相君當代擅才華
誰知頌德山頭石
却與他人戒後車

句

漢月經時掩胡塵
與歲深

詠鏡見
詩式



御定全唐詩卷二百四十二

欽定四庫全書

集部

御定全唐詩卷二百四十三至

詳校官庶吉士臣胡鉉

主事銜臣徐以坤覆勘

總校官知縣臣繆琪

校對官典簿臣劉景岳

騰錄監生臣龔輝遠

欽定四庫全書

御定全唐詩卷二百四十三

韓翃

韓翃字君平南陽人登天寶十三載進士第淄青侯希
逸宣武李勉相繼辟幕府建中初以詩受知德宗除駕
部郎中知制誥擢中書舍人卒翃與錢起盧綸輩號大
歷十才子為詩興致繁富一篇一詠朝野珍之集五卷
今編詩三卷

令狐員外宅宴寄中丞

寒色凝羅幕同人清夜期
玉杯留醉處銀燭送歸時
獨坐隔千里空吟對雪詩

褚主簿宅會畢庶子錢員外郎使君

一作張繼詩

開甕臘酒熟主人心賞同
斜陽疎竹上殘雪亂天

一作山

中更喜宣城印朝廷與謝公

送李明府赴滑州

渭城寒食罷送客歸遠道
烏帽背斜暉青驪踏春草
酒

醒孤燭夜衣冷千山早去事沈尚書應憐詞賦好

送李司直赴江西使幕

歛版辭漢廷進帆歸楚幕三江城上轉九里人家泊好
酒近宜城能詩謝康樂雨晴西山樹日出南昌郭竹露
點衣巾湖煙溼扁鑰主人蒼玉佩後騎黃金絡高視領
八州相期同一鷄行當報知己從此飛寥廓

祭嶽回重贈孟都督

封作天齊王清祠太山下魯公秋賽畢曉日回高駕從

騎盡幽并同人皆沈謝自矜文武足一醉寒溪夜

送南少府歸壽春

人言壽春遠此去先秋到孤客小翼舟諸生高翅帽淮
風生竹簟楚雨移茶竈若在上一作八公山題詩一相報

贈別崔司直赴江東兼簡常州獨孤使君

愛君青袍色芳草能相似官重法家流名高墨曹吏春
衣淮上宿美酒江邊醉楚酪沃雕胡相美糝香餌前朝
山水國舊日風流地蘇山一作小逐青驄江家驅白鼻右

軍尚少年

一作年少

三領東方騎亦過小丹陽應知百城貴

· 經月巖山

并序

信州西三十里山名仙人城下有月巖山其狀秀
拔中有山門如滿月之狀余因役過其下聊賦是

詩

驅車過閩越路出饒陽西山翠如畫簇簇生虹蜺羣
峰若侍從衆阜如嬰提巖巒互吞吐嶺岫相追攜中有
月輪滿皎潔如圓珪玉皇恣遊覽到此神應迷嫦娥曳

霞帔引我同攀躋騰騰上天半玉鏡懸飛梯瑤池何悄
悄鸞鶴煙中棲回頭望塵世露下寒淒淒

送客之江寧

春流送客不應賒南入徐州見柳花朱雀橋邊看淮水
烏衣巷裏問王家千閭萬井無多事關戶開門向山翠
楚雲朝下石頭城江燕雙飛瓦棺寺吳士風流甚可親
相逢嘉賞日應新從來此一作北地夸羊酪自有萸羹定

却一作人
味可人

送山陰姚丞攜妓之任兼寄山陰蘓少府

東風香草路南客，心容與白晷。吳王孫青蛾，柳家女都
門。數騎出河口，片帆舉夜簾。眠橘洲春衫，傍楓嶼山陰。
政簡甚從容，到罷唯求物。外蹤落日花邊，剡溪水晴烟。
竹裏會稽峰，才子風流蘓伯玉。同官曉暮應相逐，加餐
共愛鱸魚肥。醒酒仍憐甘蔗熟，知君鍊思本清新。季子
如今德有鄰，他日如尋始寧墅。題詩早晚寄西人。

和高平朱

一作朱

參軍思歸作

髯參軍髯參軍身為北州吏心寄東山雲坐見萋萋芳草綠遙思往日晴江曲刺船頻向剡中回捧被曾過越人宿花裏鶯啼白日高春樓把酒送車螯狂歌好愛陶彭澤佳句唯稱謝法曹平生樂事多如此忍為浮名隔千里一雁南飛動客心思歸何一作可待秋風起

贈別成明府赴劔南

朝為

一作主

三室印晚為三蜀人遙知下車日正及巴山

春縣道橋花裏驛流水濱公門輒無事賞地能相親

解衣初醉綠芳夕應採蹲鷓薦佳客霽水一作光遠映西
川時閒望碧雞飛古祠愛君樂事佳興發天外銅梁多
夢思

送孫潑赴雲中

黃驄少年舞雙戟目視旁人皆辟易百戰能誇隴上兒
一身復作雲中客寒風動地氣蒼茫橫吹先悲出塞長
敲石軍中傳夜火斧冰河畔汲朝漿前鋒直指陰山外
虜騎紛紛膽應碎匈奴破盡人一作始看歸金印酬功一作看

如斗大

送客還江東

還家不落春風後，數日應沾越人酒。
池畔花深關鴨欄，橋邊雨洗藏鴉柳。
遙憐內舍著新衣，復向一作喜鄰家醉。

落暉把手閒歌香，橘下空山一望鷓鴣飛。

送夏侯侍郎

自大理兼侍御史攝登州中路徵納吉之禮受弟攝青州司馬故備

述其事

元戎車右早飛聲，御史府中新正名翰墨。
已齊鍾大理

風流好繼謝宣城從軍曉別龍驤幕六騎先驅嘶近郭

前路應留白玉臺行人輒美

一作美

黃金絡使君下馬愛

瀛洲簡貴將求物外遊聽訟不聞烏布帳迎賓暫著紫

綈裘公庭日夕羅山翠功遂心閒無一事移書或問島

邊人立仗時呼鈴下吏事業初傳小夏侯中年劔笏在

西州浮雲飛鳥兩相忘

一作望

他日依依城上樓

送李湜下第歸衛州便遊河北

莫嗟太常屈便入蘇門嘯道在應未遲勿作我身料輕

雲日下不成陰出對流芳攪

一作擾

別心萬雉城東春水

澗千人鄉北晚花深舊竹青青常繞宅到時疎曠應自
適佳期縱得上宮遊旅食還為北邙客路出司州勝景
長西山翠色帶清漳仙人磯近茱萸澗銅雀臺臨野馬
岡屢道主人多愛士何辭策馬千餘里高譚魏國訪先
生修刺平原過內史一舉青雲在早秋恐君從此便淹
留有錢莫向河間用載筆須來闕下遊

張山人草堂會王方士

嶼花晚山日長蕙帶麻襦食草堂一片水光飛入戶千
竿竹影亂登牆園梅熟家醞香新溼頭巾不復簪相看
醉倒卧藜牀

送脩縣劉主簿楚

起家得事平原侯晚出都門辭舊遊草色連綿幾千里
青驪蹊蹊路旁子花深近縣宿河陽竹映春舟渡淇水
鄴下淹留佳賞新羣公舊日心相親金盤曉繪朱衣鮒
玉簟宵迎翠羽人王程書使前期促他日應知舉鞭速

寒水浮瓜五

一作六

月時把君衣

一作香

袖長河曲

題玉山觀禪師蘭若

一本有歌字

玉山宴坐移年月錫杖承恩詣丹闕先朝親與會龍華
紫禁鳴鐘白日斜宮女焚香把經卷天人就席禮袈裟
禪林久卧虎溪水蘭若初開鳳城裏不出囂塵見遠公
道成何必青蓮宮朝持藥一作蕊鉢千家近暮倚繩牀一
室空掖垣揮翰君稱美遠客陪遊問真理薄宦深知誤
此心回心願學雷居士

贈別上元主簿張著

上書一見平津侯，笏斜齊秣陵尉。
朝垂綬帶迎遠客，

暮鎖印囊飛上一作

小

吏長樂花深萬井時。
同官無事有

歸期，回船對酒三生渚。
繫馬焚香五願祠。
日日澄江帶

山翠，綠苔都在經過地。
行人看射領軍堂。
遊女題詩光

宅寺風流才調愛，君偏此別相逢定。
幾年惆悵浮雲迷

遠道張侯樓上月娟娟

別汜水縣

一本有陳字

尉

未央宮殿金開鑰詔引賢良卷珠箔花間賜食近丹墀
煙裏揮毫對青閣萬年枝影轉斜光三道先成君激昂

谷永直言身不顧却詵高第一

地一作

名轉香綠槐陰陰出

關道上有蟬聲下秋草奴子平頭駿馬肥少年白晳登
王畿五侯客舍偏留宿一縣人家爭看歸南向千峰北
臨水佳期賞地應窮此賦詩或送鄭行人舉酒常陪魏
公子自憐寂寞會君稀猶著前時博士衣我欲低眉問
知己若將無用廢東歸

別李明府

寵光五世腰青組出入珠宮引簫鼓醉舞雄王玳瑁牀
嬌嘶駿馬珊瑚柱胡兒夾鼓越婢隨行捧玉盤嘗荔枝
羅山道士請人送林邑使臣調象騎愛君一身遊上國
闕下名公如舊識萬里初懷印綬歸湘江過盡嶺花飛
五侯焦石烹江筍千戶沈香染客衣別後想君一作相思難
可見蒼梧雲裏空山縣漢苑芳菲入夏闌待君障日蒲

葵扇

送中兄典邵州

官騎連西向楚雲朱軒出餞晝紛紛百城兼領安南國

雙筆遙揮王

一本空此字

左君一路諸侯爭館穀洪池高會

荆臺曲玉顏送酒銅鞮歌金管留人石頭宿北雁初回

江燕飛南湖春暖著春衣湘君祠對空山掩漁父焚香

日暮歸百事無留到官後重門寂寂垂高柳零陵過贈

石香溪洞口人來飲醇酒登樓暮結邵陽情萬里蒼波

煙靄生他日新詩應見報還如宣遠在安城

送萬巨

漢相見王陵揚州事張禹風帆木蘭楫水國蓮花府百

大

一作頃

清江十月天寒城鼓角曉鐘前金鑪促膝諸曹

吏玉管繁聲美少年有時過向長干地遠對湖光近山

翠好逢南苑看人歸也向西池留客醉高

一作疎

柳垂煙

橘帶霜朝遊石渚暮橫塘紅牋色奪風流座白苧詞傾

翰墨場夫子前年入朝後高名籍籍時賢口共憐詩興

轉清新繼遠

一作遠繼

家聲在此身屈指待為青瑣客回頭

莫羨白亭人

送巴州楊使君

白雲縣北千山口青歲欲開殘雪後前驅錦帶魚皮鞮
側佩金璋虎頭綬南鄭侯家醉落暉東關陌上著鞭歸
愁看野一作塵馬隨官騎笑取秦人帶客旗使者下車憂

疾苦豪

一作家

吏銷聲出公府萬里歌鐘相慶時巴童聲

一作擊節渝兒舞

送王侍御赴江西兼寄李袁州

中朝理章服南國隨旆旆臘酒湘城隅春衣楚江外垂
簾白角簾下筍鱸魚鱠雄筆佐名公虛舟應時輩按俗
承流幾路清平明山靄春江雲溢城詩贈魚司馬汝水
人逢王右軍綠蘋白芷遙相引孤興幽尋知不近井上
銅人行見無湖中石燕飛應盡禮門前直事仙郎一作建禮
門前直事郎腰垂青綬領咸一作宜陽花間五一作竹馬迎君日
雨霽煙開玉女岡

寄雍丘竇明府

第十二句缺一字第十五句缺第十六句缺一字

少年結綬騁金羈許下如看瓊樹枝入里親過朗陵伯
出門高視潁川兒西遊太府東乘傳泗上諸侯誰不羨
時輩寧將白筆期高流竚向丹青見何事翻飛不及羣
虎班突騎來紛紛吳江垂釣楚山醉身寄滄波心白雲
中歲胡塵靜如掃一官又罷行將老薛公薦士得君初
領黃金千室餘機盡獨親沙上烏家貧唯向釜中魚
出重門煙樹裏感物吟詩對暮天
懷人倚杖臨秋水別離幾日問前期鳴雁亭邊人去時

獨坐不堪朝與夕，高風蕭索亂蟬悲。

贈

一本有別字

兖州孟都督

少年親事冠軍侯，中歲仍遷北兖州。
露冕寧誇漢車服，下帷常討魯春秋。
後齋草色連高閣，事簡人稀獨行樂。
閒心近掩陶使君，詩興遙齊謝康樂。
遠山重疊水逶迤，落日東城閒望時。
不見雙親辨豐膳，能留五馬一作柳盡。

佳期北場爭轉黃金勒，愛客華亭賞秋色。
卷簾滿地鋪

瓊一作瓊

一作瓊

瑜吹角

一作管

鳴弦開玉壺

願學平原十日飲，此

時不忍歌驪駒

別孟都督

平蕪霽色寒城下美酒百壺爭勸把連呼寶劍銳頭兒

少駐金羈大頭

一作宛
又作額

馬一飲留歡分有餘寸心懷思

一作
惠

復何如他時相憶若

一作
如

相問青瑣門前開素書

送別鄭明府

長頭大鼻鬚如雪早歲連兵劍鋒折千金盡去無斗儲
雙袖破來空百結獨戀郊扉已十春高陽酒徒連此身

路傍誰識鄭公子谷口應知漢逸人
兒女相悲探井臼
前功豈在他人後勸君不得學淵明
且策驢車辭五柳

贈別王侍御赴上都

翩翩馬上郎執簡佩銀章西向洛陽歸
鄴杜回頭結念
蓮花府朝辭芳草萬歲街暮宿春山一
泉塢青青樹色
傍行衣乳燕流鶯相間飛遠過三峰臨
八水幽尋佳賞
偏如此殘花片片細柳風落日疎鐘小
槐雨相思掩泣
復何如公子門前人漸疎幸有心期當
小暑葛衣紗帽

望回車

贈別太常李博士兼寄兩省舊遊

兩年戴武弁趨侍明光殿一朝簪惠文客事信陵君簡
異當朝執香非寓直熏差肩何記室攜手李將軍玉鐙
初回酸棗館金鈿正舞石榴裙忽驚萬事隨流水不見
雙旌逐塞雲感舊撫心多寂寂與君相遇頭初白暫誇
五首軍中詩還憶萬年枝下客昨日留歡今送歸空披
秋水映斜暉間吟佳句對孤鶴惆悵寒霜落葉稀

一作
天霜

落雪

寄哥舒僕射

萬里長城家一生唯報國腰垂紫文

一作艾

綬

一作綬

手控

黃金勒高視黑頭翁

一作稍公

遙吞白騎賊先麾牙門將轉

關黃河北帳下親兵皆少年錦衣承日繡行纏轆轤寶

劍初出鞘宛轉角弓初

一作新

上弦步人

一作又

抽箭大

如笛前把兩矛後雙戟左盤右射紅塵中鶻入鴉羣有

誰敵殺將破軍白日餘回梅舞旆北風初郡羣

一作羣

公楯

鼻好磨墨走馬為君飛羽書

贈別華陰道士

紫府先生舊同學腰垂彤管貯靈藥耻論方士小還丹
好飲仙人太玄酪芙蓉山頂玉池西一室平臨萬仞溪
晝灑瑤臺五雲溼夜行金燭七星齊回身暫下青冥裏
方外相尋有知己賣鮓市中何許人釣魚坐上誰家子
青青百草雲臺春煙駕霓衣白角巾露葉獨歸仙掌去
迴風片雨謝時人

送崔秀才赴上元兼省叔父

寒塘斂暮雪臘鼓迎春早
匹馬五城人重裘千里道
淮山輕露溼江樹狂風掃
楚縣九醞醲揚州百花好
練湖東望接雲陽女市西
遊入建康行樂遠誇紅布
旆風流近睹紫香囊詩家
行輩如君少極目苦心懷
謝朓煙開日上版橋南吳
岫青青出林表

御定全唐詩卷二百四十三

欽定四庫全書

御定全唐詩卷二百四十四

韓翃

贈別韋兵曹歸池州

南陵八月天暮色遠峰前楚竹青陽路吳江赤馬船管輅

一作腰

金諸

一作上

客貴佩玉主人賢終日應相逐歸期

一作

西歸定幾年

寄武陵李少府

小縣春山口

一作生日

公孫吏隱時楚歌催晚醉蠻語入新

詩桂水遙相憶花源暗有期郢門千里外莫怪尺書遲

贈張建

結客平陵下當年倚俠遊傳看轆轤劍醉脫驕驕裘翠

羽雙鬟妾珠簾百尺樓春風坐相待晚

一作晚

日莫淹留

送監軍李判官

上客佩雙劍

一作吳鈞

東城喜再遊舊從張博望新事鄭長

秋踏水回

一作過

金勒看

一作邊

風試錦裘知君不久住漢

將掃旄頭

送客歸廣平

家在趙邯鄲歸心輒自歡
晚杯狐腋暖春雪馬毛寒
五月途中破輕冰水上殘
到時楊柳色奈向故園看

送張儋水路歸北海

千里東歸客孤心憶舊游
片帆依白水高枕卧青州
柏

寢寒蕪變梧臺宿雨

一作水

收知君心興遠每上海邊樓

送故人歸魯

魯客多歸興居

一作故

人悵

一作舍

別情雨餘衫袖冷風急

馬蹄輕秋草靈光殿寒雲曲阜城知君拜親

一作親覲

後少

婦下機迎

送故人歸蜀

一騎西南遠翩翩入劍門客衣筒布潤山舍荔枝繁古

廟祠金馬春江帶

一作抱一作釣

白龜自應成旅逸愛客有王

孫

酬程延秋夜即事見贈

長簾迎風早空城澹月華星河秋一雁砧杵夜千家節
候看應晚心期卧亦一作賒向來吟秀句不覺已鳴鴉

送郭替府歸淮南

駿馬淮南客歸時引望新江聲六合暮楚色萬家春白
苧歌西曲黃苞寄北人不知心賞後早晚見一作行塵

題龍興寺澹師房

雙林彼上人詩興轉相親竹裏經聲晚門前山色春捲
簾苔點淨下筍藥苗新記取無生理歸來問此身

送客遊江南

南使孤帆遠東風任意吹楚雲殊不斷江鳥暫相隨月
淨鴛鴦水春生荳蔻枝賞稱佳麗地君去莫應知

送高員外赴淄青使幕

遠水流春色回風送落暉人趨雙節近馬遞百花歸山
驛嘗官酒關城度客衣從來赤管筆提向幕中稀

尋胡處士不遇

到來心自足不見亦相親說法思居士忘機憶丈人微

風吹藥案晴日照茶巾幽興殊未盡東城飛暮塵

贈張道者

採藥三山罷乘風五日歸翦荷成舊屋剉藥染新衣玉
粒指一作應久丹砂驗不微坐看青節引一作與白

雲飛

題蘓許公林亭

一作錢起詩

平津東閣在別是竹林期萬葉秋聲裏千家落照時門

隨深巷靜窗過遠鐘遲客舍

一作位又作住

苔生處依依

一作然

又賦詩

送元詵還江東

一作送太常元
博士歸潤州

過渡一作

江秋色在

裏一作

詩興與歸心客路隨

緣一作

楓岸

人家掃橘林潮聲當晝起山翠近南深幾日華陽洞寒

花引獨一作

獨自

尋

送

一作桂

客遊江南

桂水隨去遠賞心知有餘衣香楚山橘手鱠湘波魚芳

芷不共把浮雲悵離居遙想汨羅上弔屈秋風初

送海州姚別駕

少年為長史東去事諸侯坐覺千閭靜閒隨五馬遊行
人楚國道暮雪鬱林州他日知相憶春風海上樓

送夏侯審

謝公鄰里在日夕問

一作望

佳期春水人歸後東田花盡

時下樓閒待月行樂

一作樂

笑題詩他日吳中路千山入

夢思

送趙評事赴洪州使幕

孤舟行遠近一路過湘東官屬張廷尉身隨杜幼公山
河映湘竹水驛帶青楓萬里思君處秋江夜雨中

送李侍御赴徐州行營

少年兼柱史東至舊徐州遠屬平津閣前驅博望侯向
營淮水一作月滿吹角楚天秋客夢依依處寒山對白樓

送李秀才歸江南

一作送孫萃
及第歸江南

過淮芳草歇千里又東歸野水吳山出家林一作村越鳥

飛荷香隨去棹梅雨點行一作濕征衣無數滄一作蒼江一作洲

客如君達者稀

題僧房

一作題慈恩寺
振上人院

披衣聞客至關鎖此時開
鳴磬夕陽盡捲簾秋色一作氣

來名香連竹徑清楚出花臺
身在心無住一作事他方一作

時到幾回

送壽州陳錄事

壽陽南渡口斂笏見諸侯
五兩一作片雨楚雲暮千家淮水

秋開簾對芳草送客上春洲
請問山中桂王孫幾度遊

送趙陸司兵歸使幕

客路青蕪遍關城白日低身趨雙節近名共五雲

一作侯

齊遠水公田上春山郡舍西無因得攜手東望轉悽悽

送蔣員外端公歸淮南

淮南芳草色日夕引歸船御史王元貺郎官顧彥先光
風十日暖寒食百花燃惆悵佳期近澄江與暮天

題慈仁

一作恩

寺竹院

千峰對古寺何異到西林幽磬蟬聲下閒窗竹翠陰詩

人謝客興法侶遠公心寂寂爐煙裏香花欲暮深

贈鄆

一作
鄆

州馬使君

東方千萬騎出望使君時暮雪行看盡春城到莫遲路
人趨墨幘官柳度青絲他日鈴齋內知君亦賦詩

送張丞歸使幕

一作張
繼詩

獨受主恩歸當朝似者稀玉壺分御酒金殿賜春衣拂
席流鶯醉鳴鞭駿馬肥滿臺簪白筆捧手戀清暉

贈長洲何主簿

挂席逐歸流依依望虎丘殘春過楚縣夜雨宿吳洲

一作

州野寺吟詩入溪橋折筍游到官無一事清靜有諸侯

送崔過

一作
過

歸淄青幕府

平陵車馬客海上見旌旗舊驛千山下殘花一路時春
衣過水冷暮雨出關遲莫道青州客迢迢在夢思

田倉曹東亭夏夜飲得春字

薛公門下人公子又相親玉佩迎初夜金壺醉老春葛
衣香有露羅幕靜無塵更羨風流外文章是一秦

贈王逖

端笏事龍樓，思閒輒告休。
新調赭白馬，暫試黑貂裘。
珠履迎佳客，金錢與莫愁。
座中豪貴滿，誰道不風流。

送深州吳司馬歸使幕

東門送遠客，車馬正紛紛。
舊識張京兆，新隨劉領軍。
行聽看暮雨，歸雁踏青雲。
一去藁臺北，佳聲幾日聞。

華亭

一作州

夜宴庾侍御宅

一作張繼詩

世故他年別，心期此夜同。
千峰孤燭外，片雨一更中。
酒

客逢山簡詩人得謝公自憐驄匹馬拂曙向關東

送客之上谷

北客悲秋色田園憶去來披衣朝易水匹馬夕燕臺風
剪荷花碎霜迎粟罇開賞心知不淺累月故人杯

同中書劉舍人題青龍上房

西掖歸來後東林靜者期遠峰春雪裏寒竹暮天時笑
說一作金人偈閒聽寶月詩更憐茶興在好出下方遲

宴吳王宅

玉管簫聲合金盃

一作

酒色殷聽歌吳季札縱飲漢中

山稱壽爭離席留歡輒上關莫言辭客醉猶得曳裾還

題薦福寺衡嶽暎

一作

師房

春城乞食還高論此中閒僧臘塔前樹

一作

禪心江上

山疎簾看雪捲深戶映花關晚送門人出

一作

鐘聲杳

一作

靄間

送戴迪赴鳳翔幕府

青春帶文綬去事魏征西上路金羈出中人玉筍齊當

歌酒萬斛看獵馬千蹄自有從軍樂何須怨解携

送鄂州郎使君

千人插羽迎知是范宣城暮雪楚山冷春江漢水清紅
鮮供客飯翠竹引舟行一別何時見相思芳草生

送李中丞赴辰州

白羽逐青絲翩翩南下一作去時巴人迎道路蠻帥一作塞

引旌旗暮雨山開少秋江一作風葉落遲功成益一作奠地

一作他日應見竹即祠

送劉侍御赴陝州

金羈映驪驪後騎佩干將把酒春城晚鳴鞭曉路長帶
冰新溜澀間雪早梅香明日懷賢處依依御史牀

李中丞宅夜宴送丘侍御赴江東便往辰州

積雪臨階夜重裘對酒時中丞違沈約才子送丘遲一
路三江上孤舟萬里期辰州佳興在他日寄新詩

送李侍御歸宣州使幕

春草東江外翩翩北路歸官齊魏公子身逐謝玄暉山

色隨行騎鶯聲傍客衣
主人池上酌攜手暮花飛

東城水亭宴李侍御副使

東門留客

一作別

處沽酒用錢刀
秋水牀下急斜暉林外

高金羈絡驤裏玉
匣閉豪曹去日隨
戎幕東風見伯勞

送祕書謝監赴江西使幕

謝監憶山程辭家萬里行
寒衣傍楚色孤枕宿潮

一作湖

聲小寇不足問新詩應漸清
府公相待日引旆出江城

送江陵元司錄

新領州從事曾為朝大夫江城竹使待山路橘官扶片
雨三江道殘秋五葉湖能令詩思好楚色與寒蕪

送李舍人攜家歸江東覲省

二十青宮吏成名似者稀承顏陸郎去攜手謝娘歸夜
月回孤燭秋風試夾衣扁舟楚水上來往速如飛

送劉侍御赴令公行營

東城躍紫騮西路大刀頭上客劉公幹元戎郭細侯一
軍偏許國百戰又防秋請問蕭關道胡塵早晚收

一作休

送蘓州姚長史

江城驛路長煙樹過雲陽舟領青絲纜人歌白玉郎
葛衣行柳翠花簾宿荷香別有心期處湖光滿訟堂

送金華王明府

縣舍江雲裏心門境又偏家貧

一作資

陶令酒

一作菊

月俸

沈郎錢黃蘂香山路青楓暮雨天時聞引車騎竹外到

一作向
銅泉

送田倉曹汴州覲省

拜慶承天寵朝來辭漢宮玉杯分湛露金勒借追風古
驛秋山下平蕪暮雨中翩翩魏公子人看渡關東

送張渚赴越州

白面誰家郎青驪照地光桃花開綬色蘓合借衣香暮
雪連峰近春江海市長風流似張緒別後見垂楊

奉和元相公家園即事寄王相公

共列中台貴能齊物外心回車青閣晚解帶碧茸深寒
水分一作畦入晴花度竹尋題詩更相憶一字重千金

送道士姪歸池陽

銀角桃枝杖東門贈別初
幽州尋馬客灞岸送驢車
野飯秋山靜行衣落照餘
燕南羣從少此去意何如

送劉長上歸城南別業

數刻是歸程花間落照明
春衣香不散駿馬汗猶輕
南渡春流淺西風片雨晴
朝還會相就飯爾五侯鯖

贈張五諷歸濠州別業

常知罷官意果與世人疎
復此涼風起仍聞濠上居
故

山期採菊秋水憶觀魚一去蓬蒿逕羨君閒有餘

送營

一作管

城李少府

懷祿兼就養更懷

一作憐

趨府心晴山東里近春水北門

深新綬映芳草舊家依

一作看

遠林還乘鄭小馬蹀躞縣

城陰

魯中送魯使君歸鄭州

城中金絡騎出餞沈東陽九月寒露白六關秋草黃齊
謳聽處妙魯酒把來香醉後著鞭去梅山道路長

送夏侯校書歸上都

後輩傳佳句高流愛美名
青春事賀監黃卷問張生
暮雪重裘醉寒山匹馬行
此回將詣闕幾日諫書成

送李明府赴連州

萬里向南湘孤舟入桂陽
諸侯迎一作近上客小吏拜官

郎春服種花細初筵木槿芳
看承雨露速不待荔枝香

送盧大理趙侍御祭東嶽兼寄孟兗州

東嶽昔有事兩臣朝望歸
驛亭開歲酒齋舍著新衣上

客鍾大理主人陶武威仍隨御史馬山路滿光輝

送皇甫大夫赴浙東

第四句
缺二字

舟師分水國漢將領秦官麾下同心吏軍中

端吳

門秋露溼楚驛暮天寒豪貴東山去風流勝謝安

送韋秀才

東人相見罷秋草獨歸時幾日孫弘閣當年謝朓詩寒
山葉落早多雨路行遲好憶金門步功名自有期

御定全唐詩卷二百四十四